

28 Me mah oowh nindooshke-covenant ewemesqueem, kahoonejagaltah-mahwindwah egewh pahahtahyenoogig kaoonje dush wabenahmahgoozewod enewh pahthazewenun.

29 Kedenenim sah dush, Kah ween menahwah ningahmenequaseen ewh shoowemenahboo, pahmahgoo ahpe ewade kakezhaguk cheooslike weij menequamenahgoog emah oodooagemahwewinining owh Noos.

30 ¶ Ahpe dush kisheshquah nahgahmoowod ewh nahgahmoowin, kezlahwag emah ooketahkewung ewh Olives.

31 Jesus dush oowh ooge enon, Kahkenah sah kokah pechenahwayain-daum noongoom chedebekuk ewh wahdoodahgooyaun; oowh mah ezhebeegahda, Ningahnesah owh mahnahtaneseweneneh, egewh dush mahnahtanesug waquenoojig tahsahswaahyahwug.

32 Ahzhe dush keononeshikahyaun, ningahahnenegeun tahgweshin ewede Galilee-nong.

33 Peter dush ooge kahnoonon, oowh keenod, Mesahwah goo kahkenah egewh enenewug pechenahwayaindahmoowod ewh wahtootahgooyun, neen dush ween kahwekah ningahpechenahwayaindahzee.

34 Jesus dush oowh ooge enon, Quiyuk sah kedenin, Noongoom oowh tebekuk, chebwah noondahgoozid owh pahkahahquaih, ahzhe nesing kegah-ahgoonwatum ewh kekanemeyun.

35 Peter dush oowh ooge enon, Meshwah goo weig neboomenon, kahween ketah ahgoonwatunze ewh kekanemenon. Me dush goo kiya wenahwah kahkenah egewh kekenoohmahgunug, ewh kahkedoowod.

36 ¶ Me dush kebe wejewod owh Jesus ketahgweshenoowod dush emah Gethsemane azhenekahdaig oowh dush keenod enewh kekenoohmahgunun, Nahmahdahbig oomah, kaahweh ahpeech ahnahmeahyaun ewede.

37 Ooge neahyahwaun dush enewh Peter kiya enewh neenzh oogwesun owh Zebedee, kemahjee nahnenahwaandum dush, kiya dush kewesahge kootahgandum.

38 Me dush oowh keenod enewh, Kagah sah nabooyaun azhe keche wesahge nahnenahwaindung owh ninzechog; ahyahyook sah oomah, cheweij ahkahwahbemeyag.

39 Pazhoo dush menahwah ahwahshema keezbah, keoochecheengwasaid dush; oowh keezhe ahnahmeod, O Noosa, keshpin sah enaindahmoowahnan, monnoo ningahgebekahgoon oowh menequahgun! Kahween neen goo indahwah anaindahmon, keen sah goo anaindahmun tahzhezhabud.

40 Ooge beezhahnun dush enewh kekenoohmahgunun, kemekahwod dush nebahnid, oowh dush keenod enewh Peter, Ahneen, kah nah kahnahga ingoodebahgun ketahkewej ahkahwahbumeseem?

41 Ahkahwahbeyook kiya ahnahmeahyook, cheenekahsewaig dush ema' kahgwajeewawening: tabwatum sah ween goo ahnoo owh oojechog, ewh dush ween weyos pajewemahgud.

42 Menahwah dush keezbah, me dush ewh neenzhing, owh dush keezhe ahnahmeod, O Noosa, keshpin sah wahgebekahgoosewahnan oowh menequahgun, menequayaun atah, anaindahmun monnoo tahzhezhabud.

43 Menahwah dush kebeezbah, kemekahwod dush menahwah nebahnid: kekekebingwahshewug mah.

44 Menahwah dush ooge nahgahnon, keahweh ahnahmeod, me dush ewh nesing, nahsob dush menahwah ewh keahweh ahyekedood.

45 Me dush kebe nahzekahwod enewh oogekekenoohmahgunun, oowh